



An-Nasihah

Nasihat Menasihati Dengan Kebenaran dan Kesabaran—Badan Dakwah & Rohani (BADAR)
Sekolah Agama Menengah Hisamuddin Sungai Bertih, Klang

EDISI 2009, KELUARAN 7

7 OGOS 2009 (16 SYA'BAN 1430)

KANDUNGAN :

- Mudahnya Mendapat Ganjaran Pahala
- Kita Diperintahkan Untuk Berbuat Baik Kepada Ibubapa
- 7 Golongan Yang Dinaungi ALLAH
- Solat Ikut TV?

Mudahnya Mendapat Ganjaran Pahala

Alhamdulillah, segala puji dan puja hanya sanya untuk ALLAH, Tuhan Sekalian Alam.

Selawat dan salam buat PesuruhNYA, Muhammad sallAllahu 'alaihi wasallam.

Amma ba'd.

Dalam kehidupan seharian, kita sentiasa mempunyai pilihan samada untuk berbuat kebaikan atau keburukan.

Seseorang yang melakukan solat, puasa, zakat, menggemirakan ibubapanya, menuntut ilmu, menyebarkan seruan ALLAH dan RasulNya, menyampaikan hajat saudaranya, membuang halangan di jalanan dan lain-lain amalan mulia, sudah pasti itu semua termasuk dalam perkara-perkara yang terpuji dan diganjar ALLAH subhanahu wata'ala dengan ganjaran pahala.

Sebaliknya, seseorang yang tidak solat, menderhakai ibubapanya, tidak amanah, menyakit hati jiran dan rakan, mengumpat, menfitnah dan bermacam lagi perbuatan tidak bermoral lain, sudah tentu akan mengundang kemurkaan ALLAH dan berdosa.

Pilihan di tangan kita. Kita mampu untuk membuat pilihan kerana semuanya bermula dengan diri sendiri.

Sangat beruntung orang yang memilih untuk membuat kebaikan. Bukan sahaja akan disukai oleh makhluk, malah mendapat ganjaran yang berganda-ganda dari Tuhan yang Maha Pemurah.

Dari Abu Hurairah radhiAllahu 'anhu, bahawa Rasulullah sallAllahu 'alaihi wasallam bersabda:

"ALLAH Azza wa Jalla berfirman: Jika hambaKu hendak melakukan suatu kejahatan, maka janganlah kalian menuliskannya hingga dia melakukannya. Jika dia melakukan kejahatan itu, maka tulisklah dengan kejahatan yang sama. Jika dia meninggalkan kejahatan tersebut kerana-KU, maka tulisklah untuknya satu kebaikan. Dan jika dia hendak melakukan kebaikan, lalu dia tidak melakukannya, maka tulisklah untuknya satu kebaikan. Jika dia melakukan kebaikan itu, maka tulisklah untuknya dengan sepuluh kali ganda sampai tujuh ratus kali." (HR Muttafaq 'Alaih)

SubhanALLAH, Maha Suci ALLAH, mudahnya untuk kita mendapat pahala. Dengan hanya memasang niat untuk membuat perkara baik pun, sudah diberi pahala. Apatah lagi jika niat yang baik itu direalisasikan. Berganda-ganda lagilah pahala. Susahkah?

(Bersambung ke muka surat 2)

Kita Diperintahkan Untuk Berbuat Baik Kepada Ibubapa

"Sembahlah ALLAH, janganlah kamu mempersekutukanNYA dengan sesuatu pun dan berbuat baiklah kepada dua orang ibu dan bapa kamu." - Surah an-Nisa: 36.

"Katakanlah: Marilah kubacakan apa yang diharamkan TUHANmu kepadamu, iaitu janganlah kamu mempersekutukan sesuatu denganNYA dan berbuat baiklah terhadap kedua ibu dan bapa." - Surah an-An'am: 151.

Solatlah berjemaah walau di mana kita berada.

Keridhaan Allah tergantung kepada keridhaan kedua orang tua dan murka Allah pun terletak pada murka kedua orang tua (HR. Al Hakim)

Seorang datang kepada Nabi Saw. Dia mengemukakan hasratnya untuk ikut berjihad. Nabi Saw bertanya kepadanya, "Apakah kamu masih mempunyai kedua orang tua?" Orang itu menjawab, "Masih." Lalu Nabi Saw bersabda, "Untuk kepentingan mereka lah kamu berjihad." (Mutafaq'alaih)

Mudahnya Mendapat Ganjaran Pahala

(Dari muka surat 1)

Maha Pemurahnya ALLAH. Sayangnya DIA kepada kita. Kasihnya DIA kepada kita. DIA tidak lokek untuk mengurniakan pelbagai ganjaran kepada hambaNYA. Asalkan kita memilih untuk membuat kebaikan.

Tetapi sebaliknya, apabila kita berniat untuk melakukan perkara kejahatan, dosa hanya akan diberi jika kita melakukannya. Itulah yang telah disabdakan Nabi sallallahu 'alaihi wasallam.

Bagi orang yang sihat imannya, hadith di atas sudah cukup memberikan harapan yang besar kepadanya untuk sentiasa membuat kebaikan. Ia cukup untuk memotivasikan diri agar sentiasa memikirkan dan mengusahakan kebaikan dalam setiap masa kehidupannya.

Ayuh warga SAMHSB sekalian, berlumba-lumbalah kita dalam mengejar pahala dan ganjaran yang bakal tersedia di akhirat nanti.

Memang ALLAH subhanahu wata'ala nak beri kepada kita

bermacam nikmat keeronokan di syurga nanti. Tetapi, terlebih dahulu kita hendaklah sentiasa berlumba-lumba membuat kebaikan.

Hari-hari yang kita tempuhi, tersedia di hadapan peluang dan ruang untuk kita melakukan perkara kebaikan. Jangan kita katakan perbuatan baik yang kita lakukan sia-sia. ALLAH nampak. ALLAH tahu. ALLAH dengar. Dan pastinya setiap kebaikan yang kita lakukan akan diganjar ALLAH subhanahu wata'ala dengan pahala yang berganda-ganda.1

Jangan kita remehkan setiap perbuatan baik yang hendak kita lakukan. Walau hanya dengan memberikan senyuman pun, ia dikira sebagai suatu kebaikan.

Semoga tulisan yang ringkas ini bisa memberikan kita semua sedikit peringatan bahawa ALLAH Maha Pemurah dengan nikmat, rezeki dan pahala untuk dikurniakan kepada hamba-hambaNYA. Mudahnya untuk mendapat pahala...

WAllahu Ta'ala A'lam.

7 Golongan Yang Dinaungi ALLAH

Diriwayatkan oleh Abu Hurairah ra.:
Dari Nabi saw., beliau bersabda:

Ada tujuh golongan yang bakal dinaungi oleh Allah di bawah naungan-Nya, pada hari yang tidak ada naungan kecuali naungan-Nya, yaitu:

1. Pemimpin yang adil,
2. Pemuda yang membesar dengan ibadah kepada Allah (selalu beribadah),
3. Seseorang yang hatinya bergantung kepada masjid (selalu melakukan salat jamaah di dalamnya),
4. Dua orang yang saling mengasihi di jalan Allah, keduanya berkumpul dan berpisah karena Allah,
5. Seorang yang diajak perempuan berkedudukan dan cantik (untuk berzina), tapi ia mengatakan: Aku takut kepada Allah,
6. Seseorang yang memberikan sedekah kemudian merahsiakannya sampai tangan kanannya tidak tahu apa yang dikeluarkan tangan kirinya
7. Seseorang yang berzikir (mengingat) Allah dalam kesendirian, lalu menitikkan air mata dari kedua matanya.

Solat Ikut TV?

Soalan:

Bolehkah seorang wanita solat dengan mengikut imam Masjidilharam melalui televisyen?

Jawapan:

Sheikh Soleh 'Uthaimin r.h berkata: "Tidak dibenarkan bagi sesiapa pun mengikut imam melalui radio atau televisyen kerana solat berjemaah mesti dilaksanakan secara bersama di satu tempat dan di dalam saf-saf yang mesti bersambung antara satu sama lain (setiap satu saf mestilah di belakang saf yang lainnya).

Jika setiap orang boleh solat fadhu lima waktu di rumahnya sahaja, begitu juga dengan solat Jumaat, ia bertentangan dengan hikmah di sebalik perintah solat Jumaat dan solat berjemaah. Berdasarkan situasi ini, tidak dibenarkan bagi perempuan dan sesiapa jua pun untuk solat mengikut imam melalui radio dan televisyen."

Majlis Fatwa Tetap telah ditanya: Bolehkah seorang wanita solat Jumaat dan solat lain di rumah melalui pembesar suara masjid? Bolehkah orang sakit yang tidak mampu solat di rumah mengikut imam melalui pembesar suara masjid?

Mereka menjawab: "Tidak dibenarkan bagi lelaki dan perempuan, lemah atau kuat solat di rumah." - Rujuk Fatawa al-Lajnah al-Daaimah li'l-Buhuth al-'Illmiyyah wa'l-Ifta', no. 6744.